

Da li je dozvoljeno davati kurbansko meso komšijama koji nisu muslimani?

[Bosanski – Bosnian – بوسني]

www.islamqa.info

Prijevod:

Damir Selimović

Revizija:

Ersan Grahovac

2014 - 1435

IslamHouse.com

﴿هل يجوز إعطاء لحم الأضاحي للجيران من غير المسلمين؟﴾

« باللغة البوسنية »

موقع الإسلام — سؤال وجواب

ترجمة:

دامر سليموفيتش

مراجعة:

أرسان غراهوفاتس

2014 - 1435

IslamHouse.com

Da li je dozvoljeno davati kurbansko meso komšijama koji nisu muslimani?

Pitanje:

Da li je dozvoljeno davanje kurbanskog mesa našim komšijama nemuslimanima? Plemeniti brate, nadam se da ćete mi odgovoriti saglasno Kur'anu i Sunnetu i potkrepljeno dokazima, jer imam prijatelja kršćanina koji odbija uzeti od mene kurbansko meso govoreći da mu je to zabranjeno Indžilom (Novi Zavjet).

Odgovor: ¹

Sva zahvala pripada Allahu.

Nema smetnje u davanju kurbanskog mesa nemuslimanima, a posebno ako se radi o rođacima, komšijama i siromašnim.

Na to ukazuje govor Allaha Uzvišenog: „**Allah vam ne zabranjuje da činite dobro i da budete pravedni prema onima koji ne ratuju protiv vas zbog vjere i koji vas iz zavičaja vašeg ne izgone - Allah, zaista, voli one koji su pravični**“ (Mumtehina 8.). A davanje kurbanskog mesa je od dobročinstva koje je nam je Allah dozvolio.

Od Mudžahida se prenosi da je rekao: „Zaklana je ovca u porodici Abdullaha ibn Amra (u njegovoj porodici), pa im se obratio govoreći (pa kad je došao

¹ Vidjeti: [Propisi vezani za odnos prema nemuslimanima](#).

reče): 'Hoćete li pokloniti našem komšiji jevreju? Čuo sam Allahovog Poslanika sallallahu alejhi we sellem da kaže: 'Džibril mi je neprestano oporučivao pravo komšije, tako da sam pomislio da će ga učiniti naslijednikom.'²

Ibnu Kudame je rekao: „Dozvoljeno je kurbanskim mesom nahraniti nemuslimana(...), jer je to od dobrovoljne sadake, te je stoga ono dozvoljeno nemuslimanu štićeniku islamske države, i zarobljeniku, kao što im je dozvoljeno i ostalo od dobrovoljne sadake.“³

A u fetvama *Stalne komisije za fetve* stoji: „Dozvoljeno je hranjenje kurbanskim mesom nemuslimana sa kojim imamo sporazum i zarobljenika, i dozvoljeno ga je davati nemuslimanu zbog njegovog siromaštva, ili održavanja rodbinske veze, ili komšijskog odnosa, ili njegovog pridobijanja; zbog općenitosti govora Allaha Uzvišenog: „**Allah vam ne zabranjuje da činite dobro i da budete pravedni prema onima koji ne ratuju protiv vas zbog vjere i koji vas iz zavičaja vašeg ne izgone - Allah, zaista, voli one koji su pravični**“ (Mumtehina 8.); i zato što je Poslanik sallallahu alejhi ve sellem, naredio Esmi bint Ebi Bekr, neka je Allah sa njima zadovoljan, da održava vezu sa majkom mnogoboškinjom i da je materijalno pomaže u vremenu primirja.“

² Bilježi ga Tirmizi pod brojem 1943, a vjerodostojnim ga je ocijenio Albani.

³ El-Mugni 9/450.

Ibn Baz, Allah mu se smilovao, kaže:
„Dozvoljeno je davanje kurbanskog mesa i općenito
sadake nemuslimanu sa kojim nismo u ratu, poput onog
sa kojim imamo sporazum, ili onoga koji nam se predao
tražeći sigurnost i zaštitu.“⁴

Pogledaj odgovor na pitanje br. [36376](#).

A Allah najbolje zna.

⁴ Zbirka fetvi od Ibn Baza 48/18.